



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 5. Censuræ contra Castilienses.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

nes, quæ Guilielmi II. tempore viguis-
 sent: promisitque se summo Pontifici ob-
 temperaturum. Papa auditis Oratori-
 bus, de causa nondum cognita decidere
 recusans, Cardinali Gerardo Parmensi
 suo apud Principem Legato scripsit, ut
 investigaret sedulo, quanta Siculi subsi-
 dia Regi Guilielmo solvissent. Post pri-
 mam illius inquisitionem Papa eundem
 amplius rem indagare voluit. Ultra non
 processit negotium sub hoc Pontifice Ma-
 ximo.

Sæcul. XIII.
 A. C. 1283.

n. 46.

§. V.

Censuræ contra Castilienses.

Eodem tempore, quo Papa Martinus
 decernebat de regno Arragonio, in-
 cassum conabatur pacem reducere in Ca-
 stiliam, cujus Rex Alphonfus desertus
 fuerat a plerisque subditis cum filio suo
 Sanctio contra se conspirantibus. Al-
 phonfus ad Papam confugiens, ei iussit
 exponi, hoc dissidium Mauris viam ster-
 nere ad progressus in Hispania religionis
 damno faciendos: at is ipse eos accerse-
 bat & Regem Maroci bis adduxit ad fe-
 rendas sibi suppetias. Orabat igitur Pa-
 pam, ut Legatum mitteret in Castellam,
 aut viris quibusdam illic in dignitate con-
 stitutis præciperet, ut sibi terras adem-
 ptas restitui, & quam pateretur, insecta-
 tionem

Rayn. n. 54.
 Mariana
 lib. 14. c. 5.

Sæcul. XIII.
A. C. 1283.

tionem tolli curarent. Papa 17 Jan. 1283 reposuit sibi non videri mittendum esse Legatum, præsertim cum Præfates & Magistros Ordinum militarium jussisset regni turbis idoneum adhibere remedium, ac nondum ab iis responsum accepisset.

Rayn. n. 57.

Ante dies aliquot Sanctio Castellæ Principi per litteras exprobraverat necessum cum Maria in tertio gradu cognata connubium. Imperat ibi, ut eam protinus dimittat; illique anathema & interdictum locis, in quibus idem vel eadem ageret, minatur, reservans sibi necesse si foret, irrogationem graviorum poenarum spiritualium æque ac temporalium. Dabat 13 Jan. Verum Sanctio uxorem retinuit suam, & plures ex illa liberos suscepit, inter alios Ferdinandum successorem postea suum regio in solio.

Mar. ibid.

Papa dein expectata documenta probabiliter nactus, Episcopos, Abbates, aliosque Præpositos ecclesiasticos, Magistros Ordinum militarium, Proceres cunctos incolas Castellæ ac Legionis castrorumque Alphonli terrarum jussit tranquillam ei possessionem regiarum urbium, arcium, terrarum, bonorum, juriumque omnium relinquere, jurare fidem, ac reliqua præstare officia; imita vero contra illum foedera quælibet ac societates contra eam juramentis (quæ declarantur in

ta) confirmatas rescindere. Si non o- ^{Sæcul. XIII.}
 bediant, Archiepiscopo Hispalensi, De- ^{A. C. 1283.}
 cano alicui, & cuidam Archidiacono a-
 liarum duarum Ecclesiarum mandat, ut
 Episcopos ac reliquum Clerum ad tem-
 pus exclusos a functionibus, & laicos
 prædiis beneficiariis cæterisque bonis,
 quæ ab Ecclesia habeant, privatos pro-
 nuncient. Diploma datum est 8 Aug. ^{Mar. 6. 7.}
 1283. Illi, quibus Papa rem commiserat,
 omnes Sancti fautores anathemate, &
 cunctas urbes cæteraque ejus partium
 loca interdicto affecerunt. Sanctius qui-
 dem se his censuris minime submitit,
 immo executionis Curatoribus pontifi-
 ciis necem intentabat, si in manus ipsius
 inciderent. Sed plures civitates ac Pro-
 cures permovit censurarum metus, ut ad
 Alphonsum & officium redirent suum.
 Tanto acrius exarsit civile bellum: nam
 partes Sancti semper præstabant vi-
 ribus.

§. VI.

*Concilium Constantinopolitanum. Vec-
 cus condemnatur.*

Dominantes in Græcia Schismatici stu-
 debant vindictam sumere de cunctis
 Præsulibus sub Imperatore Michaële re-
 conciliationem Romana cum Ecclesia
 amplexis: sed suum odium non demon-
 strabant